

Itjhokoledi yakaJeb

Itlolwe nguLesley Beake | Ilinthombe nguTamsin Hinrichsen



UJeb wabe amutjha. Bekanganabo abangani.
Bekanesizungu.

Bekakhamba adanile, ararha ilitje. Bekanetjhokoledi
ngesikhwameni sakhe, kodwana akhange isize.
Bekasazizwa adanile. Bekanetjhokoledi, kodwana
bekanganabo abangani.

UJeb wapheze watjhayisa umntazanyana omncani.
Bekalila.

“Hmm ... ngingakusiza?”

“Awa.”

UJeb wacabanga isikhatjhana. “Ungayithabela
itjhokoledi?”

Umntazanyana wamomotheka. “Ngiyathokoza.”



UJeb nomntazanyana bakhambisana. Bapheze bazithela
phezu kwepi! Abesana ababili bebalwa.

UJeb wacabanga isikhatjhana. “Ningayithabela
itjhokoledi?”

Abesana balisa ukulwa. “Iye!”

UJeb nomntazanyana nabesana ababili baragela phambili nekhambo. Bapheze bazithela phezu kukadade okhamba nenja.

Inja yathuka khulu lokha nayibona uJeb nomntazanyana nabesana ababili, yabaleka.

Kwathatha isikhathi ukuyibamba. Udade gade asitjha begodu asilingekile.



“Ungayithabela itjhokoleli?”

Udade lo wamomotheka. “Iye! Ngiyathokoza!”

UJeb wannikela isiquntu sokugcina setjhokoleli. Bekangasenayo itjhokoleli engeyakhe.

Kodwana bekasele anabangani!



Itjhokoleli yakajeb

Itlolo we nguLesley Beake • Iinthombe nguTamsin Hinrichsen

Izinto esingakhuluma ngazo

Lokha u-Jeb abelana nabanye ngetjhokolede yakhe, baba bangani bakhe. Ngiyiphi enye indlela ebekangenza ngayo abangani abatjha? Butjho ukuthini ubungani kuwe? Yini eyenza abantu babe nesizungu? Wakhe wazizwa unesizungu?



Ukubonakala

Dweba isithombe sakho uzizwa unesizungu.



Ukufunda

Tjingga ephepheni lomsebenzi lapha: <https://nalibali.org/story-supplies/activity-sheets>
Tlola inomboro kwelinye nelinye ibhoksi ukobana uzilandelanise kuhle iinthombe.
Thola iamagama endatjaneni ekhambisana nesinye nesinye isithombe.



Ukutlola

Tlola omunye umuntu owenze umahluko epilweni yakho incwadi yokumthokoza ngokuba nomusa kwakhe kuwe.



Ubukghwari

Sebenzisa ipleyidi lephepha namkha sika ikhadbhoksi libe siyingilizi. Kwelinye ihlangothi dweba ubuso "obuzizwa bunesizungu" bese kuthi kwelinye ihlangothi, udwebe ubuso "obuzizwa buthabile".



Ukwenza

Sebenzisa iinthombe ezinonjorwe kuhle ukobana utjho ngobutjha indatjana.

